



A N E K S
propozicija stalnih takmičenja OS BiH
za takmičarsku 2019/2020. sezonu

Sarajevo, jun 2019. godine

Na osnovu člana 49. Propozicija takmičenja OS BiH, Upravni odbor OS BiH, na sjednici održanoj dana 20.06.2019. godine, donio je

A N E K S
Propozicija stalnih takmičenja OS BiH
za takmičarsku 2019/2020. sezonu

Član 1.

Na osnovu rezultata iz takmičarske 2018/2019. sezone u Premijer ligi BiH i prvim ligama OS F BiH i OS RS, članovi ženske Premijer odbojkaške lige su:

- | | |
|-----------------------|------------|
| 1. ŽOK „Gacko“ | Gacko |
| 2. OK „Kula-Gradačac“ | Gradačac |
| 3. OK „Sloboda“ | Tuzla |
| 4. OK „Maglić“ | Foča |
| 5. ŽOK „Smeč“ | Lukavac |
| 6. OK „Goražde“ | Goražde |
| 7. OK „He na Drini“ | Višegrad |
| 8. SOK „Mostar“ | Mostar |
| 9. OK „Inova“ | Banja Luka |
| 10. OK „Novi Grad“ | Sarajevo |

Član 2.

Na osnovu rezultata iz takmičarske 2018/2019. sezone u Premijer ligi BiH i prvim ligama OS FBiH i OS RS članovi muške Premijer odbojkaške lige su:

- | | |
|--------------------------|------------|
| 1. OK „Kakanj 78“ | Kakanj |
| 2. HOK „Domaljevac“ | Domaljevac |
| 3. OK „Borac“ | Banja Luka |
| 4. MOK „Jedinstvo“ | Brčko |
| 5. OK „Radnik“ | Bijeljina |
| 6. OK „Majevica“ | Lopare |
| 7. OK „Modriča“ | Modriča |
| 8. OK „Bosna“ | Sarajevo |
| 9. OK „Maglić“ | Foča |
| 10. OK „Ljubinje-Bankom“ | Ljubinje |

Član 3.

Ukoliko neki od klubova Premijer lige BiH odustane od takmičenja prije početka prvenstva upražnjeno mjesto se popunjava na način da u Premijer ligu BiH plasman ostvaruje drugoplasirani klub iz entitetskog Saveza iz kojeg je klub koji je odustao od takmičenja. Ukoliko taj klub ne prihvati da nastupa u Premijer ligi BiH upražnjeno mjesto zauzima drugoplasirani klub iz entitetskog Saveza iz kojeg nije klub koji je odustao od takmičenja u Premijer ligi BiH.

Ako se popuna Premijer lige BiH ne ostvari na način propisan u stavu 1. ovog člana, takmičenje se nastavlja sa brojem klubova koje su prihvatili učešće.

Član 4.

Klub koji ne uplati kotizaciju i neizvrši obavezno licenciranje članova kluba u predviđenim rokovima smatraće se da je odustao od takmičenja.

Član 5.

Raspored odigravanja utakmica u Premijer ligi izvršiće se žrijebanjem koje će organizovati direktor takmičenja OS BiH u prisustvu predstavnika klubova najkasnije do 04.09.2019. godine.

Raspored odigravanja vrši se na osnovu Bergerovih tablica. Žrijebanjem se dodjeljuju brojevi za Bergerove tablice, klubovima navedenim u članu 1. i 2. ovog Aneksa.

Ukoliko neki od klubova pisano, najkasnije 5 dana prije žrijebanja, zatraže da se omogući „dupli“ program ili da ne bude „duplog“ programa, istima će se udovoljiti ako ima dovoljno mogućnosti u Bergerovim tablicama, u suprotnom udovoljiće se onom zahtjevu koji je ranije pristigao u kancelariju Saveza.

Član 6.

Taksa na žalbu iz člana 26. i 30. Propozicija takmičenja OS BiH i taksa na prigovor iz člana 31. Propozicija takmičenja OS BiH iznosi 300 KM.

Taksa na žalbu iz člana 43. Propozicija takmičenja OS BiH iznosi 500 KM.

Ako se u postupku utvrdi da je žalba osnovana uplaćena taksa se vraća podnosiocu žalbe.

Član 7.

Klubovi su dužni da uplate kotizaciju u fond zajedničkih troškova za sprovođenje takmičenja u takmičarskoj 2019/2020. sezone u visini od 3.500 KM neto.

Uplata se vrši u dva dijela:

- prva uplata do 15.07.2019. godine,
- druga uplata do 15.01.2020. godine.

Klubovi koji se takmiče u MEVZA takmičenju uplaćuju samo prvu uplatu do 15.07.2019. godine, koju čini polovina od ukupnog iznosa utvrđenog u stavu 1. ovog člana.

Član 8.

Tabela za “LIDER SPORTSKOG PONAŠANJA” u ženskoj i muškoj konkurenciji formiraće se na osnovu broja negativnih bodova dodijeljenih za opomene, kaznene kartone, mandatne i druge disciplinske kazne klubu i zvaničnom predstavniku kluba u svima stalnim takmičenjima u OS BiH podijeljenih sa ukupnim brojem odigranih utakmica:

- crveni karton	1 negativan bod
- žuto-crveni karton zajedno	2 negativna boda
- žuto-crveni odvojeno	4 negativna boda
- mandatna kazna	(broj negativnih bodova se dobije dijeljenjem iznosa kazne sa iznosom za crveni karton).

Klub koji iz neopravdanih razloga ne odigra utakmicu dobija 200 negativnih bodova.

U slučaju kada više klubova nema negativnih bodova ili kada više klubova ima isti broj negativnih bodova bolji plasman u konačnom poretku ima klub koji ima više dodijeljenih ocjena „ODLIČAN“ za organizaciju utakmica. Ukoliko su klubovi izjednačeni po tom osnovu bolji plasman u konačnom poretku ima klub koji je bolje plasiran u konačnom poretku u prvenstvu.

Član 9.

Odbojkaški savez Bosne i Hercegovine dodjeljuje prvaku Bosne i Hercegovine pehare i zlatne medalje sa tekstom „Prvak BiH za takmičarsku 2019/2020. sezonu“.

Srebrne medalje dodjeljuju se klubu poraženom u finalnu play-off-a, sa tekstom „Finalista play off-a za takmičarsku 2019/2020. sezonu“.

Član 10.

Odbojkaški savez Bosne i Hercegovine dodjeljuje pehare najbolje rangiranim klubovima u konkurenciji "LIDER SPORTSKOG PONAŠANJA".

Pehar se dodjeljuje na prvoj utakmici u sledećoj takmičarskoj sezoni klubu domaćinu koji je „LIDER SPORTSKOG PONAŠANJA“ za proteklu takmičarsku sezonu.

Član 11.

Aneks propozicija stupa na snagu danom donošenja, a primjenjuje se za takmičarsku 2019/2020. sezonu.

Član 12.

Stupanjem na snagu ovog Aneksa propozicija prestaje da važi Aneks propozicija usvojen na sjednici Upravnog odbora OS BiH broj: 01/1-396/18 od 23.06.2018. godine.

Broj: 01/1-328/19
Datum, 27.06.2019. godine

PREDSJEDNIK
Alija Fatić, s.r.